



Inatsisartuni ilaasortaq Aqqaluaq B. Egede
Inuit Ataqtigiit

Missinnaassutsimut akulikissutsinik misissuinerit pillugit § 37 naapertorlugu apeqquaqammumt nr. 2018-169-imut akissut

Asasara Aqqaluaq B. Egede

Inatsisartut suleriaasianni § 37 naapertorlugu apeqquaqammik nassiussivutit. Apeqquutit uannut akisassanngorlugit innersuunneqarput.

Apeqquut 1. Missinnaassutsimut akulikissutsitit nalunaarutit assiginngissusaannut taakkununga paasissutissanik tunuliaqutaasunik Naalakkersuisut pissarsinikuunerlutik?

Akissut:

Naalakkersuisut missinnaassutsimut akulikissutsit pillugit nalunaarusiamik tigusaqarput.

Silap pissusianut uuttortakkanit paasissutissat il.il. Kalaallit Airports A/S-imit taassumalu siunnersortaanit, paasissutissanik nassuiaanissamut sulianut naammatunik ilisimasalinnit suliarineqarput.

Missinnaassutsimut akulikissutsinik misissuinerit inerniliussat pingaarnerit Kalaallit Airports A/S-ip ukiumoortumik nalunaarusiaani, tamanit pissarsiarineqarsinnaasumi allassimapput.

Apeqquut 2. Missinnaassutsip akulikissusaanut misissuinerimut nalunaarusiornerit tunngaviusut tamanut saqqummiunneqarsinnaanerlutik?

Akissut:

Kalaallit Airports A/S-ip misissuinerup inernerit ukiumoortumik nalunaarusiami saqqummiuppai, Naalakkersuisullu missinnaassutsip akulikissusai pillugit nalunaarusiap tamanut ammasumik saqqummiunneqarnissaa pisariaqartissimangilaat.

Apeqquut 3. Missinnaassutsip akulikissusaanik misissuinerit kikkunnit suliarineqarsimanersut Naalakkersuisut paasissutissiissutigisinnaanerlugu?

Akissut:

Missinnaassutsip akulikissusaanik misissuinerit Inuplan A/S-imit, Kalaallit Airports A/S-imut sanatsisusuumut siunnersortaa sumit suliarineqarput.

Apeqquut 4. Missinnaassutsip akulikissusaanut misissuinerit isumalluarpallaartut paasinarsissappat, Kalaallit Nunaanni Namminersorlutik Oqartussat qanoq taarsiiffiqeqassanersut Naalakkersuisut paasissutissiissutigisinnaanerlugu?

Akissut:

Naatsorsukkat silap pissusia pillugu paasissutissat il.il. pissarsiarineqarsinnaasut tunngavialugit missiliuinerit eqqornerpaanut takussutissaapput. Naatsorsukkat

07-09-2018
Suliaq normu: 2018-15382
Allakkiaq normu: 32952758

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

taamaattut nalorninarqarput, tassalu pitsaanngitsumut pitsaasumulluunniit sangusinnaagamik. Taamaattoqarnera Naalackersuisunit taamatullu Kalaallit Airports A/S-imi ilisimaneqarluarpoq.

Nuummi Ilulissanilu missinnaassutsip akulikissusaanut naatsorsukkani ilaatigut mittarfinni pioreersuni ukiuni 40-ni paasissutissat katersorneqartut tunngavigineqarput. Qaqortup avannaani sumiiffimmi missinnaassutsip akulikissusaanut naatsorsukkat, ukiut pingasut missaanni silasiorfimmiit paasissutissat katersorneqartut tunngavigineqarput.

Apeqqut 5. Missinnaassutsip akulikissusaanut misissuinernut siunnersortinut akisussaaffiit qulakkeerneqarsimanersut aammalu qanoq aningaasartalerneqarsimanersut pillugit Naalackersuisut paasissutissiissutigisinnaanerlugu?

Akissut:

Aap, siunnersortinut akisussaaffiit qulakkeerneqarsimapput. Kalaallit Airports A/S-ip aamma Inuplan A/S-ip akornanni isumaqatigiissutaasut naapertorlugit aningaasat mittarfimmut ataatsimut 2,5 mio. koruunit sinnersinnaanngilaat. Aningaasalli taakku missinnaassutsip akulikissusaanik misissuinerinnarmut killilerneqanngillat.

Apeqqut 6. Missinnaassutsip akulikissusaanut misissuinernik misissuisinnaasunik ilisimasalinnik nunani allaneersunik arlaannaannulluunniit attuumassuteqanngitsunik misissuititsinissamut Naalackersuisut pilersaaruteqarnerlutik?

Akissut:

Kalaallit Airports A/S-ip siunnersortai arlaannaannulluunniit attuumassuteqanngitsutut inissisimapput aammalu immikkut ilisimasalinnik nunanit allanneersunik atuisoqareerpoq. Naalackersuisut tamatumani immikkut ilisimasalinnik allanik ilangussititsinissaminnik pilersaaruteqanngillat.

Apeqqut 7. Missinnaassutsip akulikissusaannut kisitsisini taakkunani, mittarfiit sermersimanerini apisimanerinilu, mittarfiit sermiaarneqarnerini aputaajarneqarnerinilu atorneqarsinnaanissaat eqqarsaatigineqarnerisut Naalackersuisut paasissutissiissutigisinnaanerlugu?

Akissut:

Mittarfiit sermimik apummillu il.il. qallerneqartarnerat missinnaassutsip akulikissusaanik naatsorsuinermut ilaatinneqanngillat. Kisiannili tamatumunnga sweeperinik, Kalaallit Airports A/S-ip mittarfinnut atugassiissutissaatut eqqarsaatigisaat qanoq piginnaatigineqarnerisut apeqqutaasussaavoq. Kalaallit Airports A/S isumalluutininik ima annertutigisunik atugassiinissamik pilersaaruteqarpoq, mittarfiup qallerneqartarnera sullissinernut annertuumik sunniuteqartussaananani.

Apeqqut 8. Qaqortumi, Nuummi, Ilulissani, Narsarsuarmi Kangerlussuarmilu ukiumut qanoq annertutigisumik apisarnersoq Naalackersuisut paasissutissiissutigisinnaanerlugu?

Akissut:

Siallertarnera nittaattarneralu tunngaviumumut ataatsimoortinneqartarput, taamaattumillu sialuk, sialuaarneq, masannartuliorneq, nittaanneq, makkorarneq il.il. akunnerminni immikkoortinneqanngillat.

Ukiunut siallertarneranut nittaattarneranullu paasissutissat tamanit takuneqarsinnaapput, taakkulu Danmarkimi Silasiorfiup (DMI) nittartagaani uani takuneqarsinnaapput : <https://www.dmi.dk/groenland/arkiver/vejarkiv/>.

Feltkode ændret

Apeqqu 9. Silaannaap allangoriartornera, matumani apinerusarnera, anorlerajunnerunera, putserajunnerunera ullullu arlallit kiannanilu issinneq ajortoq ilanngullugu, mittarfittaassat missinnaassutsip akulikissusaanut naatsorsuiffigineqarnerini eqqarsaatigineqarsimanersut Naalakkersuisut paasissutissiissutigisinnaanerlugu?

Akissut:

Naamik, eqqarsaatigineqanngillat. Kalaallit Airports A/S ilisimatitsivoq, silap pissusiata allannguutai timmisartuussinermut pitsaasunik pitsaanngitsunillu sunniuteqarsinnaasut.

Mittarfinnut pilersaarusionermi silap pissusianut tunngasut kingumoortumik misissuiffigineqarput.

Apeqqu 10. Narsarsuup Kangerlussuullu miffigineqarsinnaassusaat aallarfigineqarsinnaassusaallu qanoq akulikitsigaat?

Akissut:

Kangerlussuaq: Kangerlussuarmi missinnaassutsip akulikissusaa 99% - 99,5%-inut naatsorsorneqarpoq.

Narsarsuaq: Narsarsuarmut missinnaassutsip akulikissusaa 78% – 89%-it akornannut naatsorsorneqarpoq. Kisitsisit allanngorarput, unnuami mittarfiup avannamut kimmut sammisortaa annertuumik killiliisarmat, tassangaanniit tingisarnernut tassungalu mittarnernut akornusiisunik.

Inussiarnersumik inuulluaqqusillunga

Simon Simonsen